

# Q V Æ S T I O M E D I C A

## Q V O D L I B E T A R I I S D I S P V T A T I O N I B V S M A N E D I S C V T I E N D A

### I N S C H O L I S M E D I C O R V M . D I E I O V I S X V I I I . N O V E M B R I S ,

#### M . M A R T I N O A K A K I A , D o c t o r e M e d i c o , P r æ s i d e .

*Generaturne lac in virginibus?*

857



**L** A C non sanguinis spuma, non partium aluinarum adeps, vteri mole & conturbationibus in mammas expressus, sed gratiosi benigniq; humoris superfluum, cum ex reliquis corporis partibus, tum maxime ex vtero in mammas per patentissimos hiatus refluum, deportatumque. Vt singulari naturæ artificio conflatur; ita colore, odore, sapore cæteris liquoribus etiam garo, ambrosia & nectari longe antecellit: vsu verò adeo necessarium vt non aliam ob causam triplici donatum fuisse substantiâ videatur, quàm vt nostratis substantiæ triplicis flumini non minùs iucundè quàm certò resarciat: solum sanitatem, solum longævitatē, solum immortalitatem potest conciliare, vt solum inter edulia sacro restaurandis vitæ humanæ principijs accommodato & familiari abundat.



**E** D non vbiq; exurgit tanti pretij liquor: nobiliores corporis nostri partes in illius fabricam naturâ conuocat. Hepar puriores nectaris sui riuos vndiquaque adaperit: Cor latentes in intimis suis sinubus ignes, quibus cuncta fouet recreatque, in lactis gratiam explanat. Cerebrum vi refrigerandi, qua plurimum valet, & qua cordis æstus ardorēque regere ac moderari solet, sanguinis calorem temperat, lacque placidissimi refrigerij dulcedine donat. Et ne inter principatus vllus maneat otiosus dum reliqui in lactis opificium conspirant, ecce præsto adfunt testes, qui lacti admirandas doctes impertiuntur.



**V** E R V T A M E N frustra principum partium auxilio frueretur lac, sine mammis, quas ideo natura valorum myriadibus intertexuit, & ex numerosa glandularum serie vni majusculæ circumja centibus & annexis efformauit; vni illis cunctatus diurnæ sive moras trahens sanguis, deposito tandem calore colore in alterius naturæ substantiam facessat: accedit & non mediocri emolumenti copia adipis, qui siquidem concoctionis & alimenti bonitate præditus est, & calore quem idoneè conseruat, opus promouebit & pabuli opportunitate recreabit. Sed potissima hac in parte gloria debetur viciniae cordis, à qua fit vt mammarum caloris rerum omnium fatis & seruatoris alacritate & efficacitate insignita, lac facillimè conficiant, inde verâ patet ejusmodi situs causa; aliàs aut ad cordis tutelam, aut amoris blanditias adducere vel comminisci est, vel calumniari.



**M** A M M U L A R A dèdè & ὀδοντες, ita recta cum ratione ambobus vias communes natura expedit, quibus alter in alterius sedem commigraret; atque ita onustus copia sanguinis vterus, oneris partē in mammas per venas etiam lippis & tonsoribus in ventre conspicuas per opportunè propulset: mamma vero lacte tumida turgentēque commodissime in subiectum vterum sese exonerarent. Hinc fit vt crescente incalescentēque ad locos circa pubertatis tempora semine, mammae tumeant & attollantur, puellæque ipsæ dicantur *μαῖα*, vnde certa non sanitatis modò puellarum, verum etiam integritatis argumenta repetenda veniunt. Atque vt innotescat mutuas sibi tradere operas rebus mulierum tam bonis quàm malis vterum & mammas, attrectatis quomodolibet mammis non tantum sopitus genitalium ignis excitatur accenditurve: Sed & alterutrius affectus in alterutrum celeprimè transeunt.



**T** I A R I nescit natura, sed opus cui alias à summo rerum parente destinata est, continuata serie & labore indefesso prosequitur, neque alio artifice, in pulfore aut thaumaturgo ad illud obeundum indiget. Appellente igitur ad mammas sanguine, & vi earumdem lactis generatrice incolūmi manente, generari lac necesse est, in mulieribus, virginibus & viris: non secus ac in glandulis ad gulam positis, salialis humor, in testiculis semen; in hepate sanguis enasci ac confluere confluere.

*Ergo generatur lac in virginibus.*

Proponebat Lutetiæ IOANNES DE MONSTROEIL Parisinus, Schol. Arch. A. R. S. H. M. DC. XXXVIII

DOMINI DOCTORES DISPVTATVRI

M. Claudius Chrestien.  
M. Gilbertus Puyton.  
M. Victor Pallu.

M. Georgius Ioudon.  
M. Hugo Chastes.  
M. Nicolaus Heliot.

M. Dionysius Allain.  
M. Lazarus Pena.  
M. Iacobus Cousinot Med. & Prof. Reg. atque Delphinatis principis Medicus.

P. H. M.